

UTICA MASTER PLAN

WWW.UTICAMASTERPLAN.ORG

IZVJEŠTAJ IDEJNOG NACRTA

Zasnovano na dosadašnjem učešću zajednice, Upravni komitet je razvio sljedeći idejni nacrt čiji će elementi sačinjavati Glavni plan:

Utica je mjesto za ljude koji tragaju za kulturalno bogatim okruženjem, ekonomski uspješnim i zdravim za razvoj biznisa i turizma. Naši domovi, stambena naselja, škole, radna mjesta i sportski tereni stvaraju mogućnosti za podjednaku vezu između ljudi i mjesta; Utica je zajednica definisana kvalitetom ljudi koji je naseljavaju. Utica je čvorište regionalne saradnje, socijalne raznolikosti i ekonomskog razvoja. Naš grad posjeduje mogućnosti koje ćemo maksimalno razviti širokim učešćem zajednice, naglašavajući značaj rada, održivost ponovnog ekonomskog razvoja i kvalitetne mreže stambenih naselja, parkova i obnovljenog vodenog puta.

Nacrt opštih smjernica

Idući dalje u 21. vijek, Utica će biti:

...dinamična sredina sa uspješnim centrom grada ojačanim umjetničkom zajednicom te zdravim, bezbjednim i međusobno povezanim stambenim naseljima. Naselja će biti aktivna, interesantna i privlačna mjesta gdje će se ljudi bezbjedno kretati, voziti bicikla i razgovarati jedni sa drugima.

...centar sa mogućnošću saradnje i razvoja poduzetničke kulture.

Uspješan centar grada će biti jezgro trgovine i kulture. Raznovrsnost stvaralačkog poduzetništva, utemeljenog u saradnji sa obrazovnim institucijama, poslodavcima, društvenim agencijama i studentima će podsticati gradsku ekonomiju, povećati šanse za zapošljavanje i doprinijeti porastu kvaliteta života.

...srce regionalne kreativnosti podržavajući kulturne centre, te privlačeći zanatlije i nadarene. Pozorišta u Utici, muzički centri i umjetničke galerije će biti središta kulturne ekonomije Mohavk doline. Naš ugled živućeg centra umjetnosti i kulture će privući veći broj zanatlija, posjetitelja, stanovnika kao i novih zanimanja. Grad će zaštititi i slaviti istorijski karakter utkan u jedinstvenu arhitekturu naših gradjevina.

...zajednica koja slavi različitost kao jednu od svojih najvećih vrijednosti. Kao gradski centar, Utica je tradicionalno poznata kao mjesto u kome se asimiliraju različite kulture. Prihvatanjem različitosti nastavićemo stvaranje Utice kao atraktivnog odredišta.

...grad koji će nastaviti praksu podržavanja razvoja u svim društvenim i privatnim segmentima. Suština inicijative je usresredjenost na globalno, postepeno poboljšanje životne sredine osiguravanjem povezivanja ostvarenih dostignuća u svim društvenim aktivnostima. Kao grad, obavezni smo razvijati pogodna rješenja pri projektovanju zgrada, infrastrukturnih sistema i stambenih naselja čime ćemo stvoriti mogućnosti lokalnoj poljoprivredi da podrži stanovništvo i restorane.

...moćan američki grad čiji stanovnici zajednički, sa ponosom, grade budućnost

UTICA MASTER PLAN

WWW.UTICAMASTERPLAN.ORG

Ciljevi idejnog nacrt

Dok se Upravni komitet kao grupa sastajao da raspravi informacije i diskutuje o elementima plana, članovi su formirali podkomitete da bi se fokusirali na glavne oblike gradskog stila življenja i potrebe za uslugama. Slijede nacrti ciljeva razvijenih od strane pet podkomiteta:

Razvoj stambenog prostora i naselja

1. Značajno povećati postotak nastanjenih kuća u gradu Utici.
2. Omogućiti izbor raznovrsnih oblika stambenih prostora u svakom naselju bez obzira na starosnu i imovinsku strukturu stanovništva.
3. Osigurati da sva imovina podliježe postojećoj zakonskoj regulativi.
4. Povećati broj stanovnika u centru grada
5. Poboljšati ličnu sigurnost i sigurnost kretanja ulicama.
6. Naglasiti karakteristike stambenih naselja čime će se istaknuti atraktivnost i pogodnost istih.

Razvoj centra grada

1. Omogućiti radni okvir, smjernice i akcioni plan za razvoj umjetnosti koji će doprinijeti kreiranju kulturne dinamike centra grada.
2. Prepoznati načine za podsticanje kreativnog partnerstva i saradnje u razvoju dinamike centra grada sa preduzetničkim duhom.
3. Osigurati bezbjedan centar grada sa širokim parkingom za stanovništvo i biznise.
4. Podsticati da razvoj naseljenog, kao i dijela centra grada sa različitim namjenama, bude u skladu sa nasljedjem i arhitekturom grada Utice.
5. Omogućiti bezbjednu, udobnu i djelotvornu višestruku povezanost.

Razvoj infrastrukture i vodenih puteva

1. Poboljšati ukupan kvalitet fizičke infrastrukture i opštinskih usluga grada Utice.
2. Napraviti trotoare prilagodjene pješacima.
3. Napraviti efikasan transportni sistem, uključujući javne prolaze, automobilske, pješačke i biciklističke sisteme puteva u gradu Utici.
4. Povećati svijest društva o značaju Erie kanala/Mohawk rijeke, kao i mogućnost pristupa istima.
5. Obezbijediti da vodeni put i luka postanu privlačno mjesto u Utici.
6. Povezati centar grada Utice sa vodenim putem.

Razvoj biznisa i tehnologije

1. Razviti gradsku privredu privlačeći nove biznise i industriju u Uticu putem raznovrsnih planova i inicijativa.

UTICA MASTER PLAN

WWW.UTICAMASTERPLAN.ORG

3. Olakšati zadržavanje i dalji razvoj lokalnih biznisa i industrije.
4. Stvarati sredinu koja omogućava razvoj poduzetništva.
5. Razviti stručnu i obrazovanu radnu snagu koja će zadovoljiti postojeće potrebe biznisa i vodeće industrije.
6. Održati postojeći visok kvalitet života u Utici, te poboljšati elemente života koji će privući mlade profesionalce.
7. Razviti se i profitirati na raznolikoj istorijskoj i kulturnoj strukturi grada Utice.
8. Osposobiti prethodno napuštene lokacije.

Parkovi, rekreacija, umjetnost/kultura i očuvanje istorijskog naslijeđa

1. Predstaviti i upoznati stanovništvo sa gradskim parkovima, zelenim površinama i rekreacionim objektima.
2. Koristiti sisteme naših parkova i prirodnih sredina u svrhu stimulisanja ekonomskog razvoja.
3. Razviti korištenje Erie kanala i rijeke Mohawk u vezi sa istorijskim, rekreativnim i regionalnim ciljevima u svrhu stimulisanja ekonomskog razvoja.
4. Ozvaničiti zaštitu i pravila za sprovođenje zaštite istorijskih gradjevina i oblasti.
5. Podići svijest društva o tradiciji turizma.
6. Razviti identitet grada kao mjesta za umjetnike i umjetnost.
7. Koordinirati umjetnička događanja da bismo stvorili pogodnije tržišne mogućnosti.

Udružite napore da se Vaš glas čuje

Nakon pregleda nacrtu ideja, smjernica i ciljeva, kakva su Vaša razmišljanja? Kakva je Vaša reakcija na navedene ciljeve? Da li nešto nedostaje? Koji Vas ciljevi najviše stimulišu? Zašto? Koji su načini da budete više uključeni u ostvarenje navedenih ciljeva?

Želimo čuti mišljenje što većeg broja stanovnika o Glavnom planu Utice. Otidjite na web stranicu: uticamasterplan.org/feedback ili svoje mišljenje o planu pošaljite poštom na sljedeću adresu: Utica Master Plan Feedback, 1 Kennedy Plaza, Utica NY 13502. Takođe nam možete poslati e-mail sa svojim komentarima na: info@uticamasterplan.org